

<i>Oilaminuaq Kangikhidjiutikhangit Nunavunmik</i>	
Katitiqhimayut	Iqaluit
Inuugaitilaangit:	37,996 – 84% Inuit
Qaffiutillaangit Nunalaangit:	25nguyut
Hivulliqtiuyuq:	Paul Quassa



Ilihimagaluaqin....

- ★ Nunalaangit tamaat qaritauyaligdjutiqaqtun alruyangniklu talvanga ihumagiainik tuniyunik
- ★ Nunalaangit piqaqtun hivayautinik tigumiaqtaunginaqtun.
- ★ Nunalaangit, tallimanik tatqikhiutiqaqgit talvuuna Imaruqtirviami Tattiarnaqtumun.
- ★ Taaksituutikhangit akilgit \$7 tallamik inuk atauhirmik, kihimi ilangit nunalaangit akityumiqaaqtun milvillialigaigumik. Taaksiyut mikitqiyayut akhaluutiryuanik, agligutailutin iliqatigiikniartutin taaksinik. Taima namatqiaq katimaqatigiyaanganik inungnik!
- ★ Qaritauyakkut niuvigiqaaqtun taima amigaitun inuit niuvigiqaaqitun hunavalungnik Nunavunmi. Piqaguvit titiraqarvikkut qiuqutiqaqaguvit tapkuningalu niuvrutikhangit ayungnaitumik pianakhangit, amigaitunik niuvaiviit qaritauyalikkut tuyugiqaaqtun Nunavunmun. Ilangit akikharnik akityumirutiqaqtun tuyuqtauyukhanik, kihimi amigaitun akiqangitumik tuyugiqaaqtun niuviqtauhimayut avatquhimayut niuviqtainik.
- ★ Tamaita niuviqtauhimayut tingmitikkut umiakkutluuniit tuyuqtauvaktun auyami.
- ★ Nunavut avaliqanginami taima tingmiinaqhutik nunamingnik aihinunlu nunalaangitnun. Apqutiqaqangitug Nunavunmun allanun nunalaaninun, sikiitukkut aulagiqaaqtutin ukiukmi qayakkut taima hila namakumi.
- ★ Taaqningit-atuqtauyukhaungitun agitiligaangamik imiligaangamik taaqnini Nunavunmi. Malikhautikhangit allatqiiinguyut avatingni nunalaanigt talvuuna naunairutitigun ilauliqhimayuq: katimayiingit, kikliniqaqtuq atuqtauvikhangaluuniit, atugiqaaqtun quyaginaq. Nunairutingnik talvuuna taaqnik maligakhangit nalvaatqaaqaaqtun uvani: <https://www.gov.nu.ca/finance/information/liquor-enforcement-and-inspections>

Kangikhidjutikhangit talvuuna Nunavut Kavamangitnun

- ★ Angitqiyayuuq havaktitiunik Nunavunmi
- ★ Ikaakningit havakpagaangit 8 qangigaangat ublaami angmaqpaqtun 5 mun ubluumaani, Hivullirmi Tallimutmi tamaat
- ★ Akikhangit akiliktauvikhangit: malrungnik havainirnik tamaat (manikharnik maniqarvingmun tuyuqtauyukharnikluuniit)

Havagviuyut	
Nunalingni Kavamatkunilu Pivikhaqautikkut (CGS)	
Pivalliyuliyiikkut Ingilrayuliyiitkullu (EDT)	
Ilinniaqtuliyiikkut	
Avatiliyiyitkut	Kavamaliyiyiikkut (EIA)
Qatanngutulyiyiitkut (FS)	Kiinauyaliyiyiitkut
Munarhiliyiyiikkut	Maligaliyiyiitkut
Maligaliyiyuarvik	Pitquhiliyiyiitkut (CH)

Akiliuhiarutikhanut Ikayuutikhanullu

GNkut aituihimaagtun angiyuq titraqhimayumik akiliuhiarutikhanut ikayuutikhanullu katitqhimayumik puunganik.

Nunavut Ukiuktaqtuniiganganik Akikhanga

GNkut akiliktuiyukhat ukiuktaqtunik akikhainik aulayaangat allatqinguyunik akiniqaqtunik avatingniitunik Nunavut nunalaangit anginirminlu hivuraaniitunik nunat nayugaingit. Tamna akikhaq akiliktauhimayuyq nunalaani kituliqaak nayugaangni havaktitauvakhimayuni. Hadjamimun, imaa allatqinguyuyq talvanga \$15,016 tausin tallamik uumunga \$34,455 tausin tallamik ukiuk tamaat.

Ikiklilaaahimayuyq iglukhalik akikhalik igluniku akituutikharnik piqaqtuq

Havaatin pigiaqagumik Nunavut Kavamatkuni ikiklilaaahimayunik havaktinun iglukharnik, tuniyauniaqtutin igluniku uukuutikharnik titqaniinaqtun titraqhimayunik aituqtauhimayunik havaamingnik. Igluqaguvit nanminirnik pigiaqaguvitlu naunaitumik iglugiyangnik akiliktuihimaaguvitluuiniit atuqtangnik igluniku, akikharniaqtutin ikayuutikharnik maningnik \$400.00 tallamik.

Aullaranginaqtumik Ikayuutikhaq Akikhaa

Ukiuk tamaat ikayuutikhaq akiliktauvaktuq havaktinun naunairutitigun talvuuna ukiungit aullaranginaqtumik ikayuutikhatigun.

Havaguilakhimaniaqtunik

Nunavut Kavamangit aituihimaanginaqtun anginiqaqtunik havaguilakhimaniaqtunik atugiaqaqtunik ilauqaqtuq imaa:

- ★ Ukiuk tamaat/haalataikvikharnik havaguikhimalakniaqtunik
- ★ Tamaat Kanatami Haalataikvikhangit umikhimaniaqtun ubluangit
- ★ Hingaihimayut/angayuyqanguniaqtun havaguilakhimaniaqtun
- ★ Havaguilakhimaniaqtunik Ihumagiyainik atugiaqaqtun havaguilakhimarutikhangit

Kanatami Qullangnairutikharnik Upalungairutikhangit

Tamna Nunalaani Ikayukhimaanginaqtunik Qullangnairutikharnik Upalungairutikharnik malirutiaqtuq qullangnairutikhaq havakhimayurlu tuniyaangat ilaayunun havagunnaigumik havaamingni manikhangit.

Inuuhirinikkut Kiguhiliqiyikkutni Pidjutikhangit

Havaktiit piqaqtun inuuhirinikkut kiguhiliqiyikkut pidjutikhaniqaqtun, taima akikhalgit akiliktauhimayunik talvuuna havaktitunik.

Tingmitikkut Nuuniaqtunik

Nunavut Kavamatkut nuuniaqtunik malikhautikhangit ikayuutiginaqtun nuugianganiq ilangit havaktiit munagiyainiklu taima nuuligumik allanun Nunavunmi nunalaanun, aviktuqviqaqtunik nunanik, ukiuktaqtuniitunikluuiniit. Naqitlugit ukuninga malikhautikhat qaritauyalidjutikhangit naunaiqyumirutikharnik: <https://www.gov.nu.ca/finance/information/relocation-guidelines>.

Nunaptingni Inuuhirinikkut Munagidjutikharnik

Nunavut Inuuhirinikkut Munagidjutikharnik Qullangnairutikhat: Havaktiit havaktitauliqun havaamingnik taima akunigaaluk havaktitaulakhimayunikluuiniit (avatquhimayut ukiumi atauhirmik) pigiaqaqtun qullangnairutikharnik. Naunaiqyumirumaguvit, pulaaqlugu: <https://www.gov.nu.ca/health/information/health-insurance>.

Nunavunmi piqaqtun munarhiliqivignik (nunalaani tamaat), imaaluk avikturvingmi munarhiliqivigaqtun talvani Kangiqlinirmi, Iqaluktuutiarmi, uumunga Qikiqtaani Aanniarvingmik talvani Iqalungni.

Aullaranginaqtumik akikhaa

3nik, 4nik 5nikluuiniit ukiunik aullaranginaqtumik akikhaliqaqtun ikayuutikharnik – \$1,000 tausin tallakhaqaqtun

6nik, 7nik, 8nik, 9nik, 10nikluuiniit ukiunik aullaranginaqtumik akikhaliqaqtun ikayuutikharnik – \$2,000 tausin tallakhaqaqtun

11nik, 12nik, 13nik, 14nik, 15nikluuiniit ukiunik aullaranginaqtumik akikhaliqaqtun ikayuutikharnik – \$4,000 tausin tallakhaqaqtun

21nik avatqukpanluuiniit ukiungit aullaranginaqtumik akikhaliqaqtun ikayuutikharnik – \$5,000 tausin tallakharniaqtun.

Maniqanirmi Uumayuliqinirniklu



Photo by Hans G.

Nunavut piqaqtun anginirmik pinniqtunik nunanik piqaqhuni imagiktunik tahirnik kugaaniklu, ikikyuaqaqhutik imnaarungnik, aulayunik natirngit, nilakyuangit, allatqiinguyuniklu ukiuktaqtuniitunik huraadjat. Pihuuyaqtun, siikiigaktunik, aputinik alligauyangitlu talvani Qikiqtaalukmi Imnaagunni; quviahuutigilugit hulilukaarutikhat Ukiuktaqtumiigianganik hikuilrum kiklivianganik; Kitikmeotmilu ingilraanitangit nayugaingit; angunahuaqlutin ihivriudjutikharniklu pilutin ilanganik Nunavutim Iqalukpaingit; pinahuaqlutinlu piniqtunik tautuminaqtun nunaqyuaptingni, tapkuatlu akhaliangit (akhaliat); quviahuutigilugulu tautugianganik nanungnik Kivallirmi unghiktumin; paunganik aqpingitlu, imirlugu imarituq, niglaumayurlu halumayutlu imait talvanga Nunavutmiitunik amigaitun kukkani. Uuktuutiginahuaqlugulu lhumaluutiqangitumik Nunavunmi.



Tautuminaqtun Nunavutim maniqanirmi hulilukaanginaqtunik:



Photo by Curtis Jones Photography

Nigiukhimayugut ilingnun hivumuurutiginaqtanlu tikiutiyaanganiklu hamunga "inuuyaanganik Kanatam Ukiuktaqtuni" ilauyaangatlu Nunavutim nunalaani havaktiuyaanganik. Auladjutikhaq Nutaqiuqtuq!

Aulayunik havaktiit Nunavut Kavamatkuni havakhakhiurutikhangit unaluuniit anginirmik naunairutingnik, pulaaqlugu qaritauyalidjutikhangit uvani: www.gov.nu.ca/public-jobs.